

欽定剿平三省邪匪方略

欽定剿平三省邪匪方略正編卷二百二十一

八年申

十二月初六日

甲寅

額勒登保奏言竊查冉學勝

股匪經綸布春汪啟帶兵由車道河抄截而樊

人傑王士虎冉添士各逆亦有接踵向西之勢

臣

正令楊遇春格布舍穆克登布等帶兵追剿

探報總兵胡定泰追賊至賈家山該匪等竄遁

老林晚間我兵甫經剗定營卡賊匪竟敢乘夜

前來攻撲胡定泰率兵鎗礮並發直至天明賊  
仍不退胡定泰率同將備出營分擊擒斬數十  
人賊方散去生擒二十餘人嚴訊知樊人傑等  
逆本欲西奔行至女兒壩適有冉學勝股匪從  
西而來卽與會合因遇見官兵分股撲營其餘  
乘空向東北而遁等情臣揣度各該匪竄蹤必  
均向四畝地柴家關一帶老林潛遁當派楊遇

春穆克登布等卽帶兵由展龍壩湯坪河五郎

關向東北截剿

臣

復恐該匪由太白廟竄出亦

卽率同札克塔爾等由寧陝廳而進二十五日

楊遇春等行抵七佛溝偵得賊匪由柴家關入

豆坪金雞河一帶深山老林中亡命疾走係出

琵琶嶺赴江口之路卽取道火地嶺進擊二十

六日抄出洵陽壩聞賊匪自琵琶嶺喬家溝口

前來前股已過後股尙屯聚冷水河等處相距五十餘里楊遇春等恐其一聞兵到該匪仍捨命奔逃遂令兵勇內勇敢者二百餘人假換服色作爲前隊詭稱另股賊匪欲與合夥誘住賊匪以便痛殺是夜五鼓自洵陽壩發兵師抵喬家溝鄉勇顧應全苟璜等先已殺斃騎馬賊數名並生擒探馬頭一名訊知各股賊匪均已合

夥又另分爲先後股逃竄冉學勝張掌櫃先竄  
江口此股係樊人傑王士虎王國賢冉添士在  
內由冷水河起竄緣該逆探馬被擒不知官兵  
旁徑抄出正結隊而來維時格布舍穆克登布  
同侍衛將備等由左手山梁下壓楊遇春豐紳  
同侍衛將備由右手順溝衝出將該逆截爲兩  
股一股順溝奔逃格布舍穆克登布帶兵追殺

一股丟棄騾馬向對面高山密林中逃竄經楊  
遇春豐紳帶兵趕剿自未刻至日暮追過數重  
大山約計五十餘里天色已晚兩路官兵於雞  
公嶺駐劄共計殺賊四百餘人生擒一百七十  
二名奪獲騾馬器械甚多惟副將張鳳頭受石  
傷該匪經過萬安嶺新寨寨民等見賊潰散用  
鎗石斃賊五十餘名該匪詭詐殊甚是夜四鼓

尙潛來偷撲鄉勇營卡正抵敵時官兵策應鎗  
箭斃賊四十餘人餘匪遂連夜向江口而逃楊  
遇春等次日緊趕前進臣於二十八日由腰竹

嶺趕抵雞公嶺將楊遇春等所獲賊犯逐加訊  
問內有僞總兵周珍徐得富二名據供冉學勝  
樊人傑等因川中不能掠食故竄來江北日前  
樊人傑本欲西走因會遇小藍號冉學勝現在



共有五六千人故仍東折商量總要前往河南等語竇堪痛恨當將該二犯凌遲處死其餘訊無要供將從賊日久者一百二名均經正法其餘新近被擄者給票釋回所有萬安寨殺賊出力之寨首及民人等均賞給銀鏤銀牌示獎查賊匪蓄意竄豫此時自以東面爲重且現探該匪冉學勝等已過江口出舊縣關大山名相距

西安藍田不遠冉學勝前此亦曾到過路徑熟  
悉難保其必不北竄平原是東面固爲緊要而  
北面亦不得不兼行顧及

臣

查各股業經會合

綸布春汪啟等跟追亦屬無濟當卽飭派副將

富蘭酌帶馬隊官兵同綸布春汪啟等由五郎

關前往鎮安山陽一帶顧住東面截剿第道路

紛歧若卽藉扼竄豫之路尙不足恃

臣

與楊遇

春等目下若俱向大山岔跟追該匪等晝夜狂奔偏賊愈緊勢必愈向東趨更屬非計再四躊躇只得派兵勇八百餘名交都司朱集才千總萬彪帶領令其緩驢賊蹤前往使賊知大兵在後跟追不疑有兵前去攔截臣與楊遇春札克塔爾等卽取道高關秦嶺出子午峪大峪藍田商州等處自北向東兜剿計算賊匪卽從大山

益東向已有綸布春等由鎮安而前臣統領大

兵兼程進發旬日內當抵商州則北面既可無

虞亦可東扼竄豫之路迎頭剿辦庶賊匪不致

散漫至伍懷志股匪前疊經穆克登布等剿殺

所剩不過二百餘人在四畝地深山藏躲冉學

勝等股到彼自必隨從同行卽或尙有零星未

淨亦不能再留兵力搜剿臣已飭令遊擊綽克

圖通判雒昂帶領兵勇搜緝以期根株盡絕至  
漢江南岸高三馬五及王廷詔賊匪先據額勒  
亨額劉之仁呈報該匪近由安康竄至紫陽雙  
河塘權河口毛壩子及石泉之梅湖柳溪油房  
坎一帶經額勒亨額劉之仁兩路督率將弁等  
沿江轟擊晝夜嚴防疊次均有斬獲該匪未得  
窺伺江岸向茶鎮三官廟西竄又接慶成來信

該匪竄至筒車壩漁壩上流正欲搶渡關騰在北岸施放鎗礮迎擊旋經慶成督率將弁趕到先於漁壩大梁設伏衝擊殺賊三百餘名生擒一百餘名並獲有賊目陳朝清一名該匪已向西南白沔峽逃竄等語又徐添德股匪接據慶成喜明溫承惠等報稱近由巴山線河盤陀溝一帶希冀東奔已率領兵勇奮力分路截剿斃

賊一百數十名鄉勇頭目朱海白滋春殺賊陣  
亡其餘兵勇亦有傷亡而賊匪由西南之藍河  
逃遁未致東竄等因是漢南西紫一帶如高三  
馬五王廷詔徐添德等尙在川陝邊界此外沿  
河尙有龍苟股匪及散竄之餘孽俱近在江岸  
臣現又札飭慶成等務須加意堵剿勿令竄過  
江北但冬令水涸作在堪虞恐慶成一路兵力

單薄又令總兵胡定泰帶原領官兵二千餘名  
卽赴長麟慶成一路聽候調遣兵力諒數堵剿  
若漢江以南之賊不致再竄江北臣將此間冉  
王樊等股賊匪竭力趕剿仰仗

天威如能卽時殲盡亦可早慰

聖慈庫注

同日倭什布奏言竊臣於二十五日馳抵竹山



途次接據總兵喜明陝西藩司溫承惠報稱徐  
添德賊股由南坪柳樹壩竄入線河經外委馬  
殿元等帶領鄉勇施放鎗礮斃賊數十名生擒  
十四名趕至獅子壩復又擊斃賊匪百餘名該  
逆等又從南坪孟石嶺逃至白沙河現帶廣東  
官兵趕剿並探得高三馬五已折竄至蘭河口  
東向等情查以上賊竄地面均係平利縣屬與

二竹之西南邊境相近誠恐卡隘兵力單薄卽  
派叅將烏爾卿額千總銜首領鄭光明等帶領  
竹谿練勇一千名馳赴西南邊界策應二十七  
日接據桃花山卡守備金洪嗣稟報二十二日  
賊探在近卡之土地嶺瞭望當率兵勇擊退二  
十三日黎明賊匪馬步數百人搖旗吶喊直撲  
卡隘當派把總李喜春外委張勝馬正林王機

王家榮首領徐立忠等帶領兵勇施放鎗礮竭力堵截相持至午賊匪不能近卡始行退去遂卽督率兵勇追殺二十餘里沿途斃賊十餘名該匪等奔入老林擒獲活賊劉紀富安光杜二名訊據供稱係屬青號掌櫃姓徐元帥姓張俱不知名字馬步約有二千餘人他們商量撥派數百人前來撲卡攔住官兵大衆要從老林翻

山竄入湖北等語該犯均係從賊日久卽行正法隨卽差探賊匪於二十四日由釘鉅溝竄入

二十五日已至王家山

臣

查王家山在竹山西

南四百餘里該處南通房縣北達竹谿近來賊

匪總向無兵之處狂奔且徐逆慣由熟路

臣料

其必向東趨隨派副將吉林泰卽領

臣

分帶之

兵六百名先行馳赴官渡河據險屯紮遏其東

向之路但兵力過於單弱飭令相機辦理慎勿輕視一面飛調前此長齡派留竹谿之兩粵官

兵八百餘員名黑龍江馬隊一百餘員名卽令

副將樊雄楚管帶前來並撤回竹谿鄉勇俟日

內到齊臣親率馳往策應吉林泰迎頭截剿惟

查徐添德狡猾異常現據探報匪衆不過二千

人馬騾約有六七百頭匹臣所調兵勇馬步懸

殊查馬家營一股殘匪賊數不及千名先經

臣

派往之總兵孫清元由興山縣屬公坪侯家坪

一碗水追至水月寺而長齡明亮已從重馬二

坪百福頭一帶進發以期抄出賊前兩路官兵

如有一路趕及賊衆不難就楚殲除倘該匪等

仍前避兵狂逃日內計當出境

臣

現已札商長

齡明亮孫清元酌看情形如剿辦已經得手卽

協同圍剿以期淨盡如賊已出境無論長齡明  
亮孫清元卽分一人酌帶馬步官兵前來會剿  
此次徐逆復又竄楚將弁兵勇無不切齒痛恨  
正須厚集兵力滅此朝食至鄖西邊界現據道  
員恒慶知縣孔繼樽等稟報探聞陝省竄過漢  
江賊匪業已奔近洋縣地方經畧大兵於十五  
日渡江由長鎗嶺前進自不容其東竄茲

臣專

意東南而鄖西僻在二竹之北相距較遠雖恒  
慶孔繼梓均能認真出力可靠但邊界綿亘三  
百餘里僅有兵勇一千六七百名究恐顧此遺  
彼復派長沙協副將滿倉卽就伊現帶之兵四  
百餘名速赴鄖西與恒慶商同籌佈其青銅坡  
馬鬃嶺等卡亦派守備羅陞帶兵前往會同守  
備銜李鎮將兵勇合操防守以固邊圉



倭什布又奏言據布政使孫玉庭詳稱該司自  
上年接收軍需項下並無存銀且已借過司庫  
各款銀六十六萬餘兩嗣因江安二省餉銀未  
到又借動銀二十萬兩除於徵收地丁內歸還  
銀五十一萬餘兩外尙少司庫銀三十五萬兩  
旋經收受徽江西二省銀一百萬兩部餉四十  
萬兩遵

旨截留粵東進京修船節省銀十二萬兩籌撥湖南  
省銀十五萬兩欽奉

諭旨轉撥豫省存餉十萬兩粵省關稅盈餘銀三十  
萬兩另又借撥豫省銀五萬兩以上共收銀二  
百十二萬兩歸還司庫從前借款銀三十五萬  
兩外竢收銀一百七十七萬兩查卽陽宜昌兩  
處防邊經費每月約需銀十餘萬加以新兵等

餉及製辦軍火器械買補調缺馬匹徵兵借製  
衣履運米水脚等項月需銀一二萬兩雖刻刻  
留心撙節實有必不可省之處前因粵餉未到  
復又借撥司庫正雜各款銀四十一萬餘兩迨  
收到粵餉三十萬兩業已撥解二十萬兩不但  
不能歸還借款卽全數撥解亦僅足供目前之

用謹請奏撥前來

臣

查節蒙

皇上撥發餉銀本已足資應用因今秋剿辦黃藍線  
白等匪川省派撥兵勇三千餘名來楚追剿內  
有雲貴官兵已奉

旨交長齡管帶其川黔鄉勇一千八百餘名亦於十  
一月初一初四等日始行回川又添兩粵官兵  
以及長齡所帶吉林黑龍江勁旅經經畧撥往  
五百名外合計前次由陝撥來馬隊尙有一千

四百名馬兵分例較優餉項尤宜寬備可否仰  
懇

聖恩俯賜撥銀六十萬兩解楚備用其司庫借項一

俟軍務告竣卽將用剩銀兩儘撥歸款又湖北

被賊滋擾各州縣新舊未完錢糧

臣

謹查明另

摺開單恭呈

御覽奏入

上命軍機大臣傳諭額勒登保曰此次冉學勝張堂  
櫃樊人傑王士虎王國賢冉添士等股賊匪經楊  
遇春格布舍穆克登布等連日追擊雖有斬獲而  
冉學勝等已過江口有出舊縣關大山岔之信相  
距西安藍田不遠竟思竄出峪口闖入平原大道  
其勢又覺散漫額勒登保一面分派都司朱集才  
等帶領兵勇八百餘名跟蹤追剿已與楊遇春札

克塔爾等出子午峪大峪入藍田商州等處迎截  
務須遏賊東竄豫省之路由東北通向西南再賊  
匪既距西安藍田不遠其北面省城一帶額勒登  
保亦當設法兼顧斷不可令賊匪竄出大路擾及  
西同鳳繁庶之區此爲最要至漢江北岸竄匪固  
應奮力截剿而南岸之高平馬五及王廷詔龍苟  
等股賊匪更應上緊兜截現在雖經慶成慶溥喜

明溫承惠等分路截擊未令東竄但總須實力堵剿額勒登保又令胡定泰帶兵二千餘名卽赴長麟慶成一路此則伊二人專責務將高馬王龍苟等逆悉數殲擒卽或一時未能剿盡亦當由東北逼向西南倘堵剿不力使南岸賊匪復有偷渡北岸與冉學勝樊人傑等合夥賊數增多以致辦理棘手或又乘間逃往楚境惟長麟慶成是問又據



稱伍懷志一股在四畝地深山藏躲近冉學勝等  
股到彼自必隨從同行等語伍懷志股匪經官兵  
剿殺所剩不過二百餘人乃以萬餘官兵剿辦多  
日未能殲盡仍任其與冉學勝合夥又成大股綸  
布春桑吉斯塔爾穆克登布汪啟等在彼所辦何  
事並著額勒登保遵照前旨查明叅奏不可姑息  
前此額勒登保等每稱賊匪竄入南山路險林深

官兵不能得力今冉樊等逆有出峪口之勢已近平原正可施展兵力若再不能乘機捷擊一鼓殲擒是賊匪入山旣難追捕而出山後又任其四散奔逃則總無蕝事之期豈靜候賊匪日斃却撤兵不辦乎又據稱賊匪乘夜攻撲營盤胡定泰施放鎗礮直至天明賊仍不退胡定泰率同將弁出營奮擊賊方散去二十六日夜間又有賊匪偷撲鄉

勇營卡之事看此情形賊匪竟敢乘夜攻撲兵勇  
營盤甚爲兇悍何曾畏懼官兵可見伊等節次所  
奏賊匪一見官兵卽行奔竄以致官兵不能遇賊  
接仗賊勢窮蹙之語尙蹈從前虛誑積習伊等果  
能認真殺賊蔽功卽無此鋪敘之詞其功自在若  
僅以虛言搪塞而無剿賊實效則伊等辦理遲緩  
之外又增一欺飾之咎矣至楊遇春等恐賊匪聞

官兵到彼捨命奔竄令兵勇二百餘人假換服色  
作爲前隊詭稱另股賊匪欲與合夥誘賊停留以  
便趕上剿殺所辦甚是所謂兵不厭詐也所有慶  
成一路殺賊陣亡之鄉勇頭目朱海白滋春著咨  
部賜卹正在降旨間又遞到倭什布奏報徐添德  
一股於十二月二十四日由釘鉅溝竄入楚境二  
十五日已至王家山該處東通房縣北達竹谿倭

三十三  
什布已派副將吉林泰帶兵六百名馳赴官渡據險屯紮遇其東向之路俟兵勇到齊後倭什布卽親往策應等語楚省邊界竹谿竹山一帶屢經降旨專交倭什布督飭防堵又任徐添德一股竄入楚境無能已極現降旨將倭什布仍革去頂戴稍示薄懲看來楚省堵剿之事倭什布等實不可靠已傳諭德楞泰將川境零星竄匪交與勒保七十

五辦理令伊卽帶兵趕赴陝境漢江南岸幫同長  
麟慶成等截剿高三馬五王廷詔龍苟等逆若高  
馬等逆又復乘間東竄湖北之賊較多卽著德楞  
泰跟蹤追捕此時額勒登保既往商州一帶迎剿  
冉學勝等股斷不可再行移動若因湖北剿賊緊  
要或酌派一二大員帶兵赴楚協同倭什布剿辦  
亦無不可總在額勒登保相機籌畫不致顧此遺

彼方爲妥善再徐添德一股賊匪係額勒登保專  
交喜明馬玉魁慶溥溫承惠等堵剿今賊匪由釘  
鈚溝竄入楚境並著額勒登保查明係何人疎防  
卽行據實叅奏再現據御史茅豫條奏軍營陞賞  
人員請核實辦理一摺平來帶兵大員每遇得有  
勝仗卽紛紛將出力人員開列多名懇請分別陞  
賞其中豈無冒濫朕念係帶兵大員所請無不降

旨允准亦未另交他人查核原欲使軍營員弁感激奮勉可以迅速成功而現在節次奏到軍務情形賊勢仍形散漫自由各路文武員弁堵剿不力所致所謂鼓勵者安在嗣後軍營保奏人員不得以小獲勝仗卽行保奏卽有實在奮勉應行陞賞者亦著於各員弁名下註明實在勞績不得將欲保之員開單臚列多名毫無實據卽奏到之後



朕亦不遽行陞賞當令軍機處存記檔案俟大功告成後再予加恩庶足以昭覈實而杜昌濫此時屆藏功之期不過數月如果各路軍營及地方文武各員齊心奮勉尅期藏功朕原不靳優加恩賞也

上又命軍機大臣傳諭德楞泰勒保曰本日據額勒登保奏冉學勝張掌櫃樊人傑王士虎王國賢冉

添士等股賊匪經楊遇春等連日追剿冉寧勝等  
已過江口有出舊縣關之信相距西安藍田不遠  
又據倭什布奏徐添德已竄入楚境各等語樊人  
傑等股賊匪卽係黃白藍線股內之賊前此由楚  
竄入川境德楞泰勒保會奏明赴川東一帶截剿  
乃二人並未上緊剿辦任此數股賊匪假道竄陝  
而德楞泰初一日奏到之摺但稱兜截楊開第陳

朝觀李炳等股賊匪回川於黃白藍線等股竟全  
不提及顯係將此數股大隊賊衆縱入陝省避難  
就易藉楊開第等股需兵剿辦以掩飾其不行入  
陝之咎此等蒼滑伎倆豈能於朕前嘗試楊開第  
等均係小股有勒保七十五在川一督一提儘敷  
剿辦其黃白藍線等大股德楞泰既不能在川剿  
盡卽當跟蹤赴陝幫同剿捕方爲無分畛域乃德

楞泰心存諉卸竟將大股賊衆委之陝省以致賊  
匪竄至漢江北岸額勒登保不能不移兵赴剿近  
又會合冉學勝等欲向商州一帶奔竄陝境官兵  
爲所牽綴假令黃白藍線不通入陝省則額勒登  
保在漢江南岸督剿徐添德等卽不能乘間竄楚  
是一年以來剿賊將有頭緒又因德楞泰等堵賊  
不力致全局又形散漫德楞泰勒保縱賊之罪實

無可辭德楞泰係一等子本應斥革姑念今春在嘉陵江以西剿賊尙爲出力著加恩降爲一等男稍示薄懲勒保前經賞給二品頂戴亦著降爲四品頂戴暫留川督之任以觀後效德楞泰接奉此旨如楊開第等小股已經剿淨德楞泰卽速赴陝剿辦漢江南岸之賊若川境零星小股尙未辦竣亦卽交勒保七十五二人上緊剿捕漢江南岸賊

匪高三馬五二逆最爲兇悍德楞泰帶兵到陝如  
此股賊匪尙在該處屯聚德楞泰卽應奮力剿殺  
務將此股迅速殲除若高馬等股有接踵入楚之  
勢德楞泰應權其輕重帶兵赴楚會同倭什布等  
剿賊如果將徐添德等逆迅速剪除尙當格外加  
恩若又令竄回陝境再有蔓延恐不能當此重罪  
至勒保剿辦川境餘匪是其專責務須督同七十

五等速行剿竣並將境內防堵事且布置周妥勿  
令他處之賊一名闖入倘稍有踈虞惟勒保是問  
凜之慎之

上又命軍機大臣傳諭姜晟倭什布長齡曰徐添德  
一股賊匪由平利屬之南坪鄉樹壩逃至白沙河  
等處經倭什布分派將弁竭力堵截賊匪由釘鈿  
溝竄入已至王家山並探得高三馬五已折竄至

閩河口東奔楚省竹谿竹山一帶係倭什布在彼  
督率防堵節據該撫奏稱分派兵勇扼要嚴防何  
以又任徐添德一股竄入可見前此實力堵禦之  
說皆係一派誑言近因額勒登保移兵至漢江以  
北朕卽慮及徐逆等必思乘間竄楚節經諭令嚴  
防今果不出朕所料而摺內所稱徐逆慣由熟逕  
之語尤爲支飾徐添德本係川匪雖曾經竄入湖



北邊界安能熟悉該處路逕豈楚省弁兵鄉勇生長其地轉不如徐添德之熟諳乎且賊匪遠來能探知何處無兵守禦乘間闖入而倭什布所派之弁兵鄉勇獨不能探聽賊匪消息預先扼住乎又摺內稱高二一股無難就楚殲除並有該匪避兵狂逃計日卽當出境之語不通已極伊等如此疎懈賊匪有何畏懼而亟思出境耶賊一入境不思

在本境剿滅先以出境二字預爲站脚地步尤屬  
軍營惡習前經加恩將該撫賞給四品頂戴今又  
任徐添德竄入無能至此實屬大負委任倭什布  
仍著革去頂戴暫留巡撫之任以觀後效倭什布  
務將徐添德一股卽在楚境殲淨尙可稍贖前愆  
若再有延緩致徐添德在楚裹脅蔓延必將倭什  
布從重治罪至長齡明亮孫清元係專剿高二二

股徐添德闖入楚境與伊三人無涉是以不加斥責但高二一股爲數無多前經長齡等奮力截擊勢已殘敗務須速行殄滅以便騰出兵力前赴倭什布一路幫同剿賊不可以驅令出境卽爲了事至徐添德係由釘鉞溝竄入倭什布係派何員弁在彼防堵或竟無人防堵任賊逸入著倭什布據實查明叅奏再楚省防堵事宜屢經姜晟奏稱前

赴二竹地方籌辦今被賊匪來去自如其言全不足信且聞書麟將到伊卽先回省城辦理交代急欲前赴直隸新任竟置湖北軍務於不問其居心亦屬蒼滑現在書麟自必前赴軍營督同堵剿不能到省姜晟旣回至武昌所有一切軍火糧餉事宜卽著姜晟率同孫玉庭妥協辦理俟湖北軍務全行完竣再赴直隸新任又另摺請撥餉銀六十

萬兩一節。已不待奏請撥給廣東銀二十萬兩  
解往茲又降旨令山東江西各撥銀二十萬兩足  
成六十萬兩之數伊等一經奏請卽如數撥給尙  
復何所藉口若伊等如此疎玩卽再撥千萬豈能  
有濟耶該撫等務當撙節辦理不可因帑項寬裕  
稍有糜費

上又命軍機大臣傳諭惠齡張誠基曰山東江西兩

省封貯銀兩除前經撥解外現在捐監銀兩自必陸續加增今楚省需撥餉銀著惠齡張誠基卽於捐監項內各撥銀二十萬兩遴委妥員迅速解往若捐項銀數稍有不敷卽於藩庫別款內湊足解往

同日

上諭內閣曰倭什布奏查明湖北被賊滋擾各州縣

新舊未完錢糧一摺所有鍾祥襄陽宜城南漳均  
州穀城鄖縣鄖西房縣保康竹山竹谿東湖歸州  
興山巴東荊門當陽遠安等十九州縣並屯坐該  
州縣之武昌荊州荊左荊右襄陽等衛應徵嘉慶  
五年正耗銀十八萬三千九百九十兩八錢二分  
九釐又鍾祥襄陽宜城均州穀城鄖縣鄖西荊門  
當陽遠安等州縣並屯坐該州縣之武昌荊州荊

左荆右襄陽等五衛應徵嘉慶四年夏秋冬三季  
帶徵正耗銀八萬五千九百八十七兩五錢九分  
一釐又襄陽宜城南漳穀城鄖西房縣保康竹谿  
東湖歸州興山巴東荆門當陽遠安等州縣並武  
昌襄陽二衛應徵嘉慶五年分隨漕淺船騾脚幫  
津閑丁軍三安家等款正耗銀九千六十兩四錢  
五分四釐又襄陽宜城南漳保康巴東荆門等州



縣應徵緩帶嘉慶二三四等年隨漕淺船驟脚正  
耗銀四千七十四兩四錢九分七釐再荆門州尙  
有未完嘉慶四年分南糧正耗米二千二百五十  
三石七斗四合七勺水脚銀三百七兩三錢二分  
四釐又嘉慶五年應徵南漕正耗米一萬七千七  
十五石二斗一升八合七勺南漕水脚銀二千三  
百二十八兩四錢四分均自嘉慶六年起分作兩

年帶徵以紓民力

欽定剿平三省邪匪方略正編卷二百二十二

庚子年

十二月初七日

乙卯

陸有仁奏言竊

臣奉

命來陝前月二十二日在鳳翔途次接奉

聖諭令將解散安撫事宜妥爲籌辦

臣

彼時卽計及

各處被脅民人從賊非其本願一聞安撫

恩旨卽解散投誠而投出後必須使其長久資生

始可永消萌孽至資生之策無過於遵

旨清查叛產以備安插迨行抵漢中知叛產一事曾經前撫臣台布派委道員楊護清查旋經經畧額勒登保督臣長麟會奏停止僅令將首逆龐洪勝叛產查明臣檢查檔案陝省著名叛產尙有白河縣屬之孤山塘安康縣屬之古廟嶺將軍山光頭山紫陽縣屬之大小米溪五柞雲等六處俱係元年剿辦完竣首夥多人彰明較著

與龐洪勝事同一律其叛產自可確查備撥  
外如實在全家被害無人承業絕產及客民試  
種拋荒尙未陞科之地俱可隨處查明當卽一  
面出具剴切詳明告示勸諭招撫一面飛飭各  
屬分投查勘又凡被賊滋擾之處均應逐一確  
查非一二人所能周歷自應分派專員親至其  
地喚同鄉保客頭人等逐細履勘方免隱匿侵

佔之弊現在大兵剿辦賊匪各廳州縣有承辦  
防堵糧運等事不能親身查勘者

臣

前已飭委

教官雜職確查並另委能事正佐多員分赴各  
處會勘先將實在數目查明稟覆再派明幹大  
員前往抽查勘辦方可酌定安插章程如此層  
層察覈庶各廳州縣不得以並無遺產朦朧具  
稟而解散來歸者得以日久謀生自不致復萌

故智至道員楊護

臣

於到省時派往安塞等處

覆查被災處所事竣即可調至南山總司其事

臬司王文湧現經帶領壯勇在寶雞一帶堵剿

賊匪未令查辦地畝惟

臣

昨晤長麟據稱前任

浙撫時知杭嘉湖道現今揀發陝省道員李翮

官聲甚好辦事認真到省時亦可調來會同楊

護分投查核

臣

並可督同該二員辦理一切善

後事宜現當清查地畝未竣之際如有投出難

民<sub>臣</sub>當捐給口糧先行妥爲安撫卽將來已給

田產未經耕種之先亦當捐給籽種以資養贍

設叛產等項尙不敷分撥並可酌令充當在官

丁壯大役藉以羈縻此<sub>臣</sub>現經籌辦之實在情

形也至於挖壕築壘之事前聞長麟曾委楊薩

於蓋屋一帶辦理<sub>臣</sub>接見南山各州縣隨路詢



問據稱山內路徑分歧現據設立隘卡挖壕築  
壘惟人戶稀少恐守禦未免力單臣當卽面爲

誠諭務須設法團勇分撥扼截並派員分路勸  
導能堵斷一路賊匪卽少一路奔逃於事始爲  
有濟而揆度情形總須官兵隨地兜截現據探  
報賊匪冉學勝一股欲由鳳縣車道河直趨寶  
雞號川經王文湧於北路兩河等處堵截賊卽

竄回洋縣茅坪棧道大路已無阻滯其樊人傑  
一股現又竄至洋縣之菜子坪一帶伍懷志零  
匪總在盩厔都督河等處潛匿經畧大兵已自  
石泉進山距賊較近自必迎頭剿捕又東路徐  
逆等股尙在平利安康一帶經畧派令慶溥溫  
承惠喜明分路截剿諒可不致蔓延其西鄉之  
賊亦在邊界窺伺昨接長麟札會叅贊德楞泰

已至廣元南江一帶日內將川界零匪剿淨卽  
擬移兵入陝如果德楞泰由棧道向東迎剿額  
勒登保由東北一帶扼截加之綸布春汪啟穆  
克登布桑吉斯塔爾胡定泰等層層兜擊勢如  
碁布星羅當可以次殲洗惟兵力加增糧餉更  
關緊要伏讀

諭旨不待奏請又已撥銀五十萬兩解赴陝省存貯

仰見

聖主垂厯軍儲務俾源源接濟臣實不勝感服惟有

設法妥辦斷不致稍有缺悞奏入

上命軍機大臣傳諭陸有仁曰陸有仁奏清查叛產  
創挖溝壕等事所言皆是但須實力奉行方爲於  
事有裨若僅紙上空談仍屬無益卽如挖壕一事  
該處前已派員辦理陸有仁又督飭各州縣分撥

扼截果能堵斷一路賊衆卽少一路奔逃而現在  
賊匪來往如常豈賊匪奔竄處所適皆未經挖壕  
之地乎又查辦叛產原爲安插難民之用統計元  
年以來剿辦首逆多名所有叛產何以至今始行  
查辦其白河縣屬之孤山塘等處叛產旣與龐洪  
勝事同一律自應一體清查惟該撫所稱派委正  
佐多員分赴各處會勘再派明幹大員前往抽查

層層察覈一節雖爲杜絕朦混起見但派委多員  
逐加履勘恐不免擾累閭閻別生事端惟在該撫  
遴選賢員實心妥爲辦理既可免隱匿侵占等弊  
又不致吏胥藉端騷擾方爲妥善至軍需糧餉是  
該撫專責前撥山東江西等省餉銀不日亦可解  
赴該省現有額勒登保等在漢江以北長麟慶成  
等在漢江以南帶兵分投剿辦糧餉尤關緊要陸

有仁自應探聽各路軍營隨處供支俾無缺乏其  
派員運送時更須加意防護賊匪奔竄靡常倘途  
中猝被搶掠更屬不成事體該撫務須委派妥幹  
員弁小心護送不可稍有疎虞貽誤

同日

上諭內閣曰陝省寧羌洋縣城固西鄉白河南州雒  
南山陽等八州縣春徵錢糧曾經奏請緩至秋成

後啟徵但各該州縣屢被賊擾尙未全行復業秋  
收亦未豐稔著再加恩將寧羌等八州縣本年應  
徵銀糧鹽課及民欠各項均緩至來年麥後徵收  
以示朕軫念窮黎恩施無已至意

同日勒保奏言查東鄉開縣連界之大旺山有

零星散匪百餘人出沒摸樁

臣

恐其日久復多

裹脅當派總兵永寧遊擊桂涵帶領兵勇馳往



搜剿旋據該鎮等稟報十八日至開縣扇子山  
地方探明果有賊匪百餘人在彼潛匿當率兵  
勇圍剿殺賊四十三名生擒梅盛雙等二十四  
名並割獻賊目賀章祿首級呈驗餘匪向新寧  
梁山境內奔逃永寧酌留兵勇一面搜山一面  
派令桂涵挑帶健勇四百名不帶鍋帳盡力窮  
追日行一百二三十里不等二十三日追至梁

山大竹連界之賽白兔山梁賊匪正在廟內造飯出其不意率勇掩捕該匪等尙敢抗拒當卽殺死二十九名生擒僞先鋒符大成並餘匪五十二名並無一名漏網另有新擄難民許正忠等五名正被該匪捆縛欲殺得以立時解救釋放其餘俱解交臣軍營審問據符大成供稱係首逆符曰明之堂叔本與劉朝選張子聰等同

時起事迨符曰明被擒該匪卽在劉朝選寢內  
封爲僞先鋒自認殺人無數今年三月間到大  
竹縣卽係該匪將知縣張位中戕害九月初九  
日在柏木園經官兵衝殺劉朝選隻身跳巖奔  
逃該犯帶有八十餘人進太平老林潛匿兩月  
來總在山內摸樁又陸續湊有一百四五十人  
現經官兵兩次殲獲淨盡詰以劉朝選實在下

落據供營內因不見元帥曾向各處探訪聞得已被官兵殺死此外並無同夥在外摸樁等語

臣查劉朝選一股屢經官兵痛剿剩匪本屬無

多惟總未得劉朝選切實蹤跡是否一人潛逃

抑或實已殺死今據符大成所供雖難憑信而

其股內餘匪此次實已辦淨臣訊明後當將符

大成交還處死其從賊日久之張先萬等五十

一名口亦卽正法惟被擄未久及年末及歲之  
尹泰清等二十四名給予銀米遞籍安插

臣

因

現據探報楊開甲及伍冉二姓餘黨並李炳陳  
朝觀兩股匪衆合爲一夥由廣元南江一路竄  
入巴州地方聞德楞泰已跟追前來恐前無攔  
截致有蔓延適阿哈保已帶兵由陝省到來卽  
令其隨同

臣

一路是夜由達州渠縣一帶進發

偵探賊蹤迎頭抄截並知會德榜秦兩面夾擊  
以冀將此五股餘匪悉數殲除秦入

上命軍機大臣傳諭德榜秦勒保曰劉朝選一股屢  
經官兵剿殺所剩餘匪在山內出沒模稜經勒保  
派兵搜捕擒獲偽先鋒符大成將潛匿餘匪辦淨  
覽奏畧慰其楊開甲陳朝觀李炳等股賊匪已合  
夥竄入巴州地方德榜秦業經跟蹤前來自當與

勒保會合何以摺內未據奏及楊開甲等本非大  
股賊匪前此竄回川省之黃白藍線等股俱經竄  
至陝境昨已降旨令德楞泰速赴陝省剿辦漢江  
南岸之賊所有川省境內楊開甲等股專交勒保  
剿辦該處本有七十五及永寧託雲泰在彼帶兵  
分剿今勒保又令阿哈保隨同協擊探蹤抄截務  
須督率將弁將本境各股竄匪迅速殲除毋得再

有延緩至德楞泰在川剿辦業已踈縱於前此時  
赴陝剿賊必須先將高三馬五二逆奮力剿殺該  
逆現有接踵入楚之勢如尙未入楚德楞泰卽應  
帶兵繞至二竹邊界如前此額勒登保之迎頭截  
殺若該逆已竄至楚境德楞泰卽會同倭什布等  
將徐添德高馬等股悉在楚境一律剿淨必不得  
已亦應逼向西南寧使竄入川境不可任其深入



楚地此爲最要賊匪如已向西南奔竄勒保轉不  
必派兵在川省邊界攔截又致將賊匪逼回俟其  
全行竄入川境德楞泰再與勒保兩路大兵合擊  
剿捕自可得力再竄楚賊匪高二一股經長齡等  
剿辦漸有入川之勢勒保應飭令該處駐守員弁  
預爲準備此股賊匪無多如已入川境卽應在川  
上緊剿淨不可又任假途竄陝爲要

同日協辦大學士調任湖廣總督書麟奏言伏  
查高二徐添德等股餘匪因陝省官兵追剿分  
股逃竄逼近楚境自應乘其殘敗全數殲淨

臣

前自滇起程併站行走現於十一月三十日行

抵湖南之桃源縣探問桃源至湖北之竹谿一

帶約有三十站

臣

星夜兼程由驛馳往計於十

二月十二三日可抵該處探明賊匪現近何處

卽會同撫臣倭什布將剿堵事宜悉心籌畫務將已竄入境者全數殲戮竄近楚省者督飭官兵嚴密防堵不使一名竄人以仰副

皇上委任至意奏入

上命軍機大臣傳諭書麟曰書麟奏接奉諭旨兼程行走計於十二月十二三日可抵竹谿一帶現在川省竄匪闖入楚境正深焦切書麟係協辦大學

士經朕特旨調任湖廣總督伊久歷戎行於軍務  
素爲熟悉非姜晟倭什布可比前因高二一股竄  
入楚境朕卽慮及徐添德等逆俱在漢江南岸逼  
近楚省難保不乘間竄入是以降旨諭令書麟兼  
程赴楚督辦一切乃昨據倭什布奏徐添德一股  
賊匪由鈐鉅溝竄入已至王家山並探得高三馬  
五一逆已折竄至陂河口東向果不出朕之所料

徐高馬三賊爲害最久必須實力嚴辦竹山竹谿  
一帶防堵事宜屢經姜晟倭什布奏分派兵勇扼  
要嚴防今任賊匪奔竄白如毫無攔阻是伊等實  
力堵禦之語全係一派謊言姜晟置軍務於不顧  
徑回省城以待交卸倭什布又不能督兵嚴守以  
致賊匪接續竄入伊二人甚不可靠書麟到後務  
須會同倭什布將徐添德一股竄匪迅速剿捕卽

在楚境殲除淨盡毋得再令他竄其高二一股賊  
匪現在東湖興山一帶奔竄有長齡明亮孫清元  
在彼緊躡追剿此股賊匪人數無多其勢已經窮  
蹙書麟務卽飭知長齡等將高逆一股竄匪卽在  
楚境剿滅淨盡此股賊匪剿竣後書麟務須督率  
鎮將將本境防堵事宜悉心佈置勿令川陝邊界  
之賊一名闖入並將地方百姓實力撫綏俾消反

側書麟係朕特旨調任之人諒能仰體朕意安民  
剿賊爲國宣猷廼副委任也

初八日丙辰長麟慶成奏言竊臣長麟疊據各卡

稟報賊匪四五百人由廟壩竄來分爲數股向  
梅子壩大石埡白巖河銅廠元壩子等處窺伺  
卡隘游奕滋擾當卽派令副將蕭福祿都司張  
聯魁分帶兵勇前往各卡策應去後旋據蕭福

祿等稟稱賊匪一見官兵並不接仗又不遠去  
兵出則退入老林兵撤復出滋擾並探聞尙有  
大股賊匪男婦四五千人在川省南江邊界之  
羅棋山屯聚現來窺伺卡隘之零星賊匪卽係  
大股賊匪前探等語竊思大股賊衆旣已逼近  
邊界乃並不前來撲卡僅令四五百人分向各  
卡隘滋擾其意總欲疲我兵力使人馬勞頓然



後逞其併力衝突之計若不將此分股之賊趕  
緊躡逐兵勇晝夜不能稍寧必致墮其奸計

臣

長麟當卽傳令蕭福祿帶領馬步官兵由梅子  
壩出卡迎擊張聯魁帶領鄉勇由大石壩出卡

迎擊

臣

長麟帶領兵勇趕赴白巖河接應二十

四日黎明蕭福祿張聯魁等兩路兵勇一迎賊  
頭一抄賊尾詎卡隘以外非係陡壁深溝卽係

老林密箐官兵奮力追逼至龍池子地方地勢稍寬將各處零星賊匪逼歸一處鎗礮並施擊斃執旗賊目一人搶獲大旗一面殲斃矛手四五十人餘匪紛紛逃竄翻上大山遁入老林藏匿山徑陡險不能乘騎蕭福祿等棄馬步行帶兵緊跟追剿該匪竟敢於林內擲石抗拒因林密雪深冰凝路滑兵勇跬步蹉跌不能搶上僅

能於半山之上用鎗礮向林內轟擊賊匪依恃  
林木遮蔽潛伏不動天色將晚官兵人人憤急  
蕭福祿復派張聯魁帶領鄉勇繞至山後進攻  
叅將韓自昌都司朱章帶兵從前面左手抄上  
遊擊馬忠守備王殿甲由右手抄上蕭福祿鼓  
勵兵勇齊聲吶喊奮勇攻撲三路兵勇互相挈  
掖而上賊匪見官兵勢猛不能存立突出老林

又翻上對面筆架山大梁向賈家溝一帶奔逃  
兵勇乘其竄出老林之際趕緊追殺又斃賊匪  
三四十人並斃執旗賊目一人搶獲大旗一面  
生擒十三名餘匪卽由賈家溝竄奔廟壩又被  
寨上居民用鎗礮擊斃賊匪十餘人賊匪竄過  
廟壩歸入大夥連夜拔營俱向南江竄去訊據  
獲賊何其義王宗富供稱我二人俱係矛子手

此股賊匪是四股合成共有四個元帥兩個姓  
楊一姓李一姓張約有四五千人在不知道  
名字我們於二十日到羅棋山要想竄往陝西  
南山又怕卡隘有兵不能衝過先派我們數百  
矛手來奪卡另日再派人來替換總使官兵不  
能歇息候官兵疲乏再合營前來衝卡不想被  
官兵兩路擠住打死多人並兩個掌大旗手一

名王遇正一名楊用飛聽見元帥說要仍回四  
川等語餘無要供卽將何其義王宗富正法其  
餘被獲十一名均係甫經被裹難民附近各有  
家業當卽概行省釋至

臣

慶成連據興安紫陽

稟報高馬大股賊匪由安康紫陽地方西竄旋  
據王黑壩差探弁兵回報大股賊匪於二十一  
日已至西鄉之靖溪壩仍尋前蹤直趨江岸搶

渡

臣

慶成一面飛札總兵關騰劉之仁嚴傳江

北各卡遠近哨探日夜嚴防查西鄉東南至紫

陽三四百里南岸地勢散漫無險可扼賊匪往

來竄徑在在逼近江干全賴官兵探蹤抄迎截

擊經畧額勒登保原擬防兵之數因南山未淨

不能撤調其酌量撤出弁兵先儘漢南一帶分

布西鄉東南抽調奏集各項弁兵陸續原有四

千餘名旋因冉樊兩股賊匪偷渡副都統綸布  
春總兵胡定泰兩次由此分帶兵勇過江追剿

臣慶成僅存兵一千數百名土地嶺板橙埕均

距西鄉縣城較近爲北通漢南要路須酌留兵

勇拏卡嚴防臣慶成抽帶兵七百名連夜向東

探迎抄截路過白沔峽總兵九十帶兵數百名

防堵瓦子溝七里壩江岸之路臣慶成又抽添



兵二百名共兵九百餘名並馬隊鄉勇俱隨身  
裹帶乾糧兼程馳往探迎賊前截剿二十三日  
未刻趕抵茶鎮探得大股匪衆已至麥子坪銅  
車壩一帶焚掠並有賊探在梅湖柳溪沿江往  
來窺伺該處係總兵劉之仁防江營卡布置尙  
爲週密當經施放鎗礮轟擊該匪又自石泉南  
岸向西滋擾係總兵關騰營卡前次稍被衝失

兵力較單適

臣

長麟撥給副都統綸布春兵內

有寧夏兵三百五十餘名未及趕去令赴西鄉

又有總兵胡定泰過江追剿時放卡落後兵一

百名

臣

慶成差弁飛催前來當派遊擊常洪帶

過江北漁壩一帶淺灘協堵至茶鎮亦係賊匪

偷渡之所淺灘尤多賊匪竄至沿江均可躡渡

雖有營卡恐不足恃

臣

慶成卽帶兵迎往賊匪

來路老漁壩大梁頭爲設伏邀截隨令遊擊吳  
亨衍守備王登科帶兵勇在山梁左邊又令遊  
擊張奉廷守備李行正帶兵勇在山梁右邊

臣

慶成帶侍衛車森保三音庫之馬隊及鄉勇在  
山灣均各密爲潛伏並派兵勇扮作民人分往  
各歧路登高瞭望午刻賊馬隊二三百人戰手  
三四千人一路順河一路沿山蜂擁結隊而來

相離漸近似欲搶佔山梁招呼後隊匪衆慶  
成所帶馬步兵勇總計不過千餘人若該匪到  
齊截剿不及祇可乘其未備突然衝出以挫賊  
鋒當令我兵三處並起相繼衝滅直衝該匪等  
竟莫測官兵多寡鎗箭所到賊衆披靡驚惶失  
措拋棄鎗礮器械折回亂奔馬步官兵奮勇乘  
勢爭進剿殺二十餘里斃賊一百六七十名賊

衆狡詐扒上東南大山尙敢併力憑高滾石搖

旗撲下臣慶成身先兵勇力敵並令吳亨衍李

行正千總張起鰲劉仰景等各帶兵勇數十人

衝冒鎗石仰攻搶上大山賊見勢猛始紛紛折

回奔竄又殺賊一百餘名時已昏黑隨將兵勇

撤至茶鎮以防該匪等繞奔江岸此次先後殺

賊共三百餘名盡係強壯戰手並無老弱又生

擒一百十二名內有執旗賊目陳朝清一名搶奪騾馬刀矛大礮鳥鎗器械旗幟甚多據陳朝清供稱四川大竹縣人係高三掌櫃大徒弟此夥係高馬王賈四元帥合爲一大股黃白藍三號人數衆多商量要從前股賊匪過江之處搶渡約山寶雞奔秦州掠食不意到此忽遇伏兵衝殺敗散向原路奔回等供當將該犯臠割其

餘各犯就近飭交西鄉縣審訊分別辦理此次  
仰仗

聖主天威以寡擊衆官兵人人奮力截回高馬王賈  
等大股賊衆未令北竄過江現據探報該匪被  
擊敗竄連夜向東南原路折回尙慮分股折繞

江岸

臣

慶成暫紮茶鎮俟探賊蹤向南遠遁仍

回板櫓埕適中策應防堵查高馬等逆未經竄

至西鄉之前先在紫陽權河一帶卽有窺伺江岸之勢經額勒亨額率同遊擊額爾畢濟呼委叅領諾木色楞等出營迎敵斃賊數名賊匪退回官兵緊追至雞鳴坡復殺賊二十餘人生擒王黃山等十五名賊匪分股由尖山溝五郎河一帶復奔毛壩子江岸經額勒亨額所設防江官兵隔岸施放鎗礮賊匪折回又突出龍王灘



江岸復經官兵施放威遠大礮擊斃賊匪十餘  
名賊匪始向西鄉蜡溪壩逃逸又接慶溥來信  
徐添德等股復從安康折竄平利因藩司溫承  
惠在白土關防堵該匪等卽由獅子壩一路東  
奔慶溥催兵分路進擊斃賊五十餘人賊卽敗  
走我兵追過山梁復殺賊十餘名天已昏黑暫  
行紮駐時至二更賊匪膽敢前來撲營官兵俱

有隹備立時擊斃賊匪數十人餘匪敗退官兵  
出營追剿又斃賊二十餘名追至泰山廟忽有  
伏賊二千餘人由老林突出蜂擁前來官兵奮  
勇迎擊斃賊四十餘人射死執旗賊目一人賊  
匪驚慌敗走官兵乘勝追殺三十餘里沿途殲  
戮甚多生擒蕭廷祥等五名餘匪翻山向南坪  
逃遁適總兵喜明藩司溫承惠聞信帶領兵勇

追擊斃賊數十名生擒十四名賊匪卽佔據山  
梁抗拒時慶溥亦帶兵趕到合兵奮力攻擊搶  
上大梁又斃賊百餘人賊匪卽從毛家溝竄往  
孟石嶺一帶慶溥喜明溫承惠等現由清水河  
口分路兜截堵禦又冉學勝一股賊匪經綸布  
春等白棧道廢邱關截回仍自江口二郎壩一  
帶東竄已過華陽其二次過江之冉樊等逆竄

至洋縣屬之釣魚臺經胡定泰帶兵截殺斃賊四十餘名生擒三名賊衆復折向茅坪由五郎河東奔其伍懷志一股餘匪亦竄至寧陝屬之柴家關一帶現在額勒登保已由兩河口移赴淌平河緊顧東北楊遇春穆克登布亦由寧陝廳抄截綸布春汪啟勛定泰等俱追躡前往再查龍紹周等股前已竄至安康平利地界經楊

遇春截剿折回西逃王徐等逆亦欲竄入楚境  
復經官兵截回亦向西竄由安康而西卽與紫  
陽西鄉東界緊相毗連該匪等已入西鄉復向  
南趨卽入太平境內臣長麟前摺聲敘情形與  
額勒登保所奏尙無歧異惟近據探龍紹周及  
鮮苟等股又有折竄陝境之信查該匪等總在  
川陝邊界老林遊奕來往無常是以趨向並無

一定至鮮大川一逆前於八月間經該犯之叔  
鮮文芳殺斃投報業經德楞泰奏明在案其現  
與苟逆同竄之賊自係該匪餘黨昨據西鄉縣  
稟報未經聲明餘黨二字臣敘摺時僅據該縣  
原稟聲敘未明實屬疎忽致蒙

聖明垂詢不勝悚惕至此次在事出力人員謹開單  
呈

覽奏入

同日額勒登保長麟奏言查

臣

長麟前奏曾芝

秀賊匪竄過五郎金雞河德忠在後跟剿及該

匪由金雞河斜趨南路石泉縣屬之梧桐溝鐵

鑑壩一帶德忠亦覓捷徑抄至鎮洵交界之界

牌石兩河關等處業已抄至賊前扼要堵截等

語是德忠入山追賊之初係在後跟剿及覓路

繞至界牌石兩河關等處業已抄至賊前長  
麟摺內聲敘情形合之各州縣所報伍逆竄蹤  
並德忠行走路徑覈對日期均屬相符查德忠  
甫經入山時賊匪日夜狂奔華陽一帶本無繞  
出賊前之路一抵五郎該革鎮卽由捷徑繞至  
界牌石兩河關等處堵截是以賊匪未能東竄  
且該革鎮所帶官兵僅止四百餘名兵力實在



過單是德忠尚無縱賊不剿遷延觀望情事但  
此次曾芝秀賊匪竄過棧道究係由該鎮汛地  
逸出咎實難辭合無仰懇

皇上格外天恩念刻下陝省軍務正當喫緊帶兵實  
在乏人仍遵照前降

恩旨將德忠革職留營効力以觀後效嗣有貽誤加  
倍從重治罪均奏入

上命軍機大臣傳諭長麟慶成曰長麟等連日將南  
鄭境內零星賊匪全行逼歸川省並截剿高馬大  
股賊匪未令竄越漢江所辦俱好川省南江邊界  
屯聚之賊先令零星騷匪窺伺陝省卡隘經長麟  
分派副將蕭福祿等出卡迎擊俱有斬獲賊匪大  
駭向南江竄去不致闖入陝境其高馬大股賊匪  
直趨江岸搶渡經慶成派令鎮將分投攔截伊復

帶領馬隊鄉勇密爲潛伏慶成首先奮力截擊兵  
勇衝冒鎗石乘勝截殺先後殲擒賊匪四百餘名  
餘皆折回奔竄慶成此次打仗甚爲出力本應卽  
加恩獎緣前次冉學勝冉添元樊人傑兩次偷渡  
漢江不能攔截本應治罪姑令其戴罪立功今慶  
成截回高馬王賈大股賊匪未令北竄過江其功  
過足以相抵嗣後更當知感知奮實力堵剿如再

有立功之處必當格外加恩勉之望之至摺內稱  
徐添德等股現經慶溥喜明溫承惠等分路兜截  
一節昨據倭什布奏徐添德一股賊匪由釘鉞溝  
竄入楚境已至王家山地方想長麟等發摺時尙  
未得有此信昨已降旨將倭什布革去頂戴以觀  
後效其黃白藍線四號之賊原係在川省滋擾竄  
住湖北後復折回假道竄陝而高馬等逆亦由川

省竄入陝境德楞泰勒保並未認真攔截咎無可  
辭昨已降旨將德楞泰降爲一等男勒保降爲四  
品頂戴以示薄懲並諭德楞泰帶兵來陝剿辦高  
馬等逆慶成仍當悉力堵截再不可令南岸賊股  
竄過北岸一俟額勒登保剿盡北岸賊匪卽可騰  
出兵力會同剿辦而德楞泰到陝亦可趁賊匪竄  
聚南岸之時一鼓殲擒再長麟截回南江之賊旣

訊據活賊供稱有想要竄到陝西南山之語是賊  
匪因四川築堡團勇頗爲認真不能掠食今雖已  
截回川境仍恐復思竄陝長麟慶成等尤當督飭  
鎮將及守卡各員隨時偵探迎擊勿令該匪等開  
入西鄉一帶爲要又據奏查明德忠尙無縱賊情  
弊請遵前旨革職留營効力等語此等僨轅悞事  
之輩誅之不可勝誅姑念陝省剿賊正在喫緊之

際帶兵乏人德忠前已革職著照所請留於軍營  
効力贖罪倘再有貽悞必當加倍治罪斷不輕貸  
又據覆奏鮮大川早經殺斃前此奏報內有鮮逆  
字樣實因未將餘黨二字聲敘明晰此事尙屬小  
過無足深究若軍營打仗情形不據實奏報仍蹈  
從前撒謊惡習甚至以敗爲勝捏報軍情則蹈欺  
罔之罪矣凜之慎之

上諭內閣曰慶成奏軍營出力各員內黑龍江部委  
叅領都爾博陝西遊擊吳亨衍均著賞換花翎吉  
林部委驍騎校扎蘭保黑龍江委驍騎校烏勒西  
保直隸把總聶士文陝西外委馬天賜河南六品  
頂戴軍功首領尙世蘭均著賞戴藍翎陝西縣丞  
馮國璋著以應陞之缺卽行陞補